

## DE ORDINATIONE EPISCOPI uni tantum conferenda

### *Prænotanda*

1. Ordinatio Episcopi fiat cum fidelium quam maxima frequentia die dominico vel festo, nisi rationes pastorales alium diem, ex. gr. festum Apostolorum, suadeant.
2. Episcopus Consecrator principalis debet saltem alios duos Episcopos consecrantes adhibere; sed decet ut omnes Episcopi præsentés una cum Consecratore principali Electum ordinent.
3. Electo assistant duo Presbyteri.
4. Valde convenit, ut omnes Episcopi consecrantes necnon Presbyteri Electo assistentes cum Consecratore principali et cum Electo Missam concelebrent. Si ordinatio fit in ecclesia propria Electi, etiam aliqui Presbyteri eius Presbyterij concelebrent.
5. Si ordinatio fit in ecclesia propria Electi, Consecrator principalis Episcopum modo ordinatum invitare potest ut præsideat concelebrationi in liturgia eucharistica. Si autem ordinatio non fit in ecclesia Electi, Consecrator principalis præsidet concelebrationi; hoc in casu Episcopus modo ordinatus primum locum tenet inter ceteros concelebrantes.
6. Consecrator principalis necnon Episcopi et Presbyteri concelebrantes sacras vestes induunt quæ ad Missæ celebrationem requiruntur. Electus induit omnia paramenta sacerdotalia necnon crucem pectoralem et dalmaticam. Episcopi autem consecrantes, qui non concelebrant, sumunt rochetum, amictum, crucem pectoralem, stolam, pluviale et mitram. Presbyteri Electo assistentes, si non concelebrant, induunt pluviale.
7. Benedictio anuli, baculi pastoralis et mitræ, tempore opportuno, ante ipsam ordinationem, de more peragitur.
8. Præter ea quæ ad Missæ pontificalis concelebrationem necessaria sunt, parentur: a) Pontificale Romanum; b) libelli orationis Consecrationis pro Episcopis consecrantibus; c) gremiale linteum; d) sanctum chrisma; e) anulus, baculus pastoralis et mitra pro Electo.
9. Sedes pro Consecratore principali, Episcopis consecrantibus, Electo, Presbyteris concelebrantibus parentur hoc modo:
  - a) In liturgia verbi Consecrator principalis sedeat in cathedra; Episcopi autem consecrantes iuxta cathedram; Electus vero inter Presbyteros sibi assistentes, loco aptiore in presbyterio.
  - b) Ordinatio Electi fiat de more ad cathedram; si autem propter participationem fidelium opus est, parentur sedes pro Consecratore principali et Episcopis consecrantibus ante altare vel alio opportuniore loco; sedes autem pro Electo et Presbyteris ei assistentibus sic parentur, ut actio liturgica a fidelibus bene conspici queat.

### *De liturgia verbi*

10. Omnibus rite dispositis, ordinatur processio per ecclesiam ad altare modo consueto. Subdiaconum librum Evangeliorum deferentem sequuntur Presbyteri concelebrantes, deinde Electus medius inter Presbyteros sibi assistentes, postea Episcopi consecrantes ac denique Episcopus Consecrator principalis medius inter duos Diaconos.

11. Liturgia verbi peragitur ad normam rubricarum.

12. Lectiones sumi possunt sive ex toto sive ex parte vel e Missa diei vel e textibus qui in Appendice proponuntur.

Symbolum in Missa Ordinationis non dicitur. Item, oratio fidelium omittitur.

### *De Ordinatione Episcopi*

13. Dicto Evangelio, incipit Ordinatio Episcopi. Omnibus stantibus, canitur hymnus **Veni, Creátor Spíritus**, vel alius hymnus huic respondens, iuxta locorum consuetudines.

14. Consecrator principalis et Episcopi consecrantes accedunt ad sedes pro Ordinatione Electi paratas, et sedent cum mitra.

15. Electus a Presbyteris ipsi assistentibus adducitur ante sedem Consecratoris principalis, cui reverentiam facit.

16. Unus e Presbyteris alloquitur Consecratorem principalem his verbis:

**Reverendissime Pater, póstulat Ecclésia N., ut Presbýterum N. N. ad onus Episcopátus órdines.**

Si vero agitur de Episcopo ordinando non residentiali:

**Reverendissime Pater, póstulat sancta Mater Ecclésia Cathólica, ut Presbýterum N. N. ad onus Episcopátus órdines.**

Consecrator principalis illum interrogat, dicens:

**Habétis mandátum Apostólicum?**

Ille respondet:

**Habémus.**

Consecrator principalis:

**Legátur.**

17. Tunc legitur mandatum, omnibus sedentibus. Quo perlecto, omnes dicunt:

**Deo grátias,**

vel alio modo, iuxta morem regionis, electioni assentiunt.

18. Deinde Consecrator principalis, omnibus sedentibus, breviter alloquitur clerum ac populum necnon Electum de munere Episcopi; quod facere potest his verbis:

**D**ilectissimi, sédulo atténdite, ad qualem in Ecclésia gradum frater noster sit provehéndus. Dóminus noster Iesus Christus, a Patre missus, ut genus humánum redímeret, ipse in mundum duódecim misit Apóstolos qui, Spíritus Sancti virtúte repléti, Evan-

gélum prædicarent et omnes gentes in unum ovile congregantes, sanctificarent et gubernarent. Ut autem hoc munus usque ad finem sæculi permaneret, Apóstoli sibi adiutores elegerunt, quibus donum Spíritus Sancti a Christo acceptum per impositionem manuum tradiderunt, qua Ordinis sacramenti plenitudo confertur. Sic a generatione in generationem principalis traditio per successionem Episcoporum continuam servata est et opus Salvatoris ad nostra usque tempora perseverat et crescit.

In Episcopo a Presbyteris suis circumdato adest in medio vestri ipse Dominus noster Iesus Christus, Pontifex factus in æternum. Ipse enim in ministerio Episcopi Evangelium prædicare et credentibus mysteria fidei ministrare non desinit. Ipse paterno Episcopi munere nova membra corpori suo addit et aggregat. Ipse Episcopi sapientia et prudentia vos in peregrinatione terrena ad beatitudinem perducit æternam.

Grato igitur lætæque animo fratrem nostrum excipite, quem nos, Episcopi, per impositionem manuum in collegium nostrum cooptamus. Illum honorate ut ministrum Christi et dispensatorem mysteriorum Dei, cui testificatio Evangelii veritatis conceditur atque ministratio spiritus et iustitiæ. Mementote verborum Christi dicentis Apóstolis: « Qui vos audit me audit, et qui vos spernit me spernit. Qui autem me spernit, spernit eum qui me misit ».

Tu autem, frater carissime, electus a Domino, cogita te ex hominibus esse assumptum et pro hominibus constitutum in iis quæ sunt ad Deum. Episcopatus enim nomen est operis, non honoris, et Episcopum magis prodesse quam præesse oportet. Nam qui maior est, secundum Magistri præceptum, sit ut minor, et qui præcessor est, sicut ministrator. Prædica opportune, importune, increpa in omni patientia et doctrina. In oratione et sacrificio pro populo tibi commisso, de plenitudine sanctitatis Christi multiformem gratiam abundanter studeas impetrare.

In Ecclesia tibi credita, mysteriorum Christi dispensator, moderator et custos esto fidelis. Electus a Patre ad eius gubernandam familiam, memor esto semper boni Pastoris, qui oves suas cognoscit et quem oves cognoscunt, et qui animam ponere pro ovibus suis non dubitavit.

Univérſos, quos Deus tibi committit, patérna atque fratérna dilige caritaté, imprimis Presbýteros et Diáconos, tuos in ministério Christi consórtes, sed et páuperes et débiles, peregrínos et ádvenas. Hortáre fidéles ut in ópere apostólico tecum labórent, eósque libénter audíre ne rénuas. De illis autem, qui nondum uni Christi ovili sunt aggregáti, curam hábeas indeféssam, tamquam tibi in Dómino commendátis. In Ecclésia cathólica, caritatís vínculo adunáta, numquam obliviscáris te collégio Episcopórum esse coniúctum, ita ut ómnium Ecclesiárum sollicitúdinem ferre non désinas et Ecclésiis auxilió egéntibus libénter subvénias. Atténde ígitur univérso gregi in quo Spíritus Sanctus te ponit régere Dei Ecclésiám, in nómine Patris, cuius in Ecclésia imáginem repræséntas, et in nómine Fílii eius Iesu Christi, cuius múnere Doctóris, Sacerdotís et Pastóris fungéris, et in nómine Spíritus Sancti, qui Ecclésiám Christi vivíficat et infirmitátem nostram sua virtúte confirmat.

19. Post allocutionem, Electus surgit et stat ante Consecratorem principalem, qui illum interrogat his verbis:

Antíqua sanctórum Patrum institútio præcipit, ut, qui Episcopus ordinándus est, coram pópulo interrogétur de propósito fidei servándæ et múnis exsequéndi.

Vis ergo, frater caríssime, munus nobis ab Apóstolis créditum et tibi per impositionem mánuum nostrárum tradéndum cum grátia Spíritus Sancti usque ad mortem explére?

Electus respondet:

**Volo.**

Consecrator principalis:

**Vis Evangélium Christi fidéliter et indesinénter prædicáre?**

Electus:

**Volo.**

Consecrator principalis:

**Vis depósitum fidei, secúndum traditiónem inde ab Apóstolis in Ecclésia semper et ubique servátam, purum et íntegrum custodíre?**

Electus:

**Volo.**

Consecrator principalis:

**Vis corpus Christi, Ecclesiam eius, ædificare et in eius unitate cum ordine Episcoporum, sub auctoritate successoris beati Petri Apostoli, permanere?**

Electus:

**Volo.**

Consecrator principalis:

**Vis beati Petri Apostoli successoris obedienciam fideliter exhibere?**

Electus:

**Volo.**

Consecrator principalis:

**Vis plebem Dei sanctam, cum ministris tuis Presbyteris et Diaconis, ut pius pater, fovere et in viam salutis dirigere?**

Electus:

**Volo.**

Consecrator principalis:

**Vis pauperibus et peregrinis omnibusque indigentibus propter nomen Domini affabilem et misericordem te prebere?**

Electus:

**Volo.**

Consecrator principalis:

**Vis oves errantes ut bonus pastor requirere et ovili dominico aggregare?**

Electus:

**Volo.**

Consecrator principalis:

**Vis Deum omnipotentem pro populo sancto indesinenter orare et sine reprehensione summi sacerdotii munus explere?**

Electus:

**Volo, Deo auxiliante.**

Consecrator principalis:

**Qui cepit in te opus bonum, Deus, ipse perficiat.**

20. Deinde omnes surgunt. Consecrator principalis, stans sine mitra, manibus iunctis, versus ad populum dicit:

**O** - ré-mus, di- lec-tís-si-mi no-bis, ut hu- ic E- léc-  
 to, u- tí- lí- tá- ti Ecclé- si- æ pró- vi- dens, be- ní- gni-  
 tas omni- po- tén- tis De- i grá- ti- æ su- æ trí- bu- at  
 lar- gi- tá- tem.

Diaconus: Flec-tá-mus gé-nu- a.

21. Et mox Consecrator principalis et Episcopi consecrantes ante sedes suas genua flectunt; Electus vero procumbit; ceteri autem genua flectunt.

Tunc cantores incipiunt Litanias, in quibus addi possunt, suis locis, aliqua nomina Sanctorum (ex. gr., Patroni, Tituli ecclesiæ, Fundatoris, Patroni eorum qui Ordinationem recipiunt, etc.) aut aliquæ invocationes magis aptæ singulis circumstantiis.

Kýrie, eléison.

Kýrie, eléison.

Christe, eléison.

Christe, eléison.

Kýrie, eléison.

Kýrie, eléison.

Sancta María, Mater Dei,

Sancte Michaël,

Sancti Angeli Dei,

ora pro nobis.

ora pro nobis.

oráte pro nobis.

|  |                       |
|--|-----------------------|
| Sancte Ioseph,   | ora pro nobis.        |
| Sancte Ioánnes Baptísta,   | ora pro nobis.        |
| Sancti Petre et Paule,   | oráte pro nobis.      |
| Sancte Andréa,   | ora pro nobis.        |
| Sancte Ioánnes,  | ora pro nobis.        |
| Sancta María Magdaléna,  | ora pro nobis.        |
| Sancte Stéphané,   | ora pro nobis.        |
| Sancte Laurénti,   | ora pro nobis.        |
| Sancte Ignáti Antiochéne,  | ora pro nobis.        |
| Sancta Agnes,  | ora pro nobis.        |
| Sanctæ Perpétua et Felícitas,  | oráte pro nobis.      |
| Sancte Gregóri,  | ora pro nobis.        |
| Sancte Augustíne,  | ora pro nobis.        |
| Sancte Athanási,   | ora pro nobis.        |
| Sancte Basíli,   | ora pro nobis.        |
| Sancte Martíne,  | ora pro nobis.        |
| Sancte Benedicte,  | ora pro nobis.        |
| Sancti Francísce et Domínice,  | oráte pro nobis.      |
| Sancte Francísce Xavéri,   | ora pro nobis.        |
| Sancte Ioánnes María Vianney,  | ora pro nobis.        |
| Sancta Therésia,   | ora pro nobis.        |
| Sancta Catharína Senénsis,   | ora pro nobis.        |
| Omnes Sancti et Sanctæ Dei,  | oráte pro nobis.      |
| Propítius esto,  | libera nos, Dómine.   |
| Ab omni malo,  | libera nos, Dómine.   |
| Ab omni peccáto,   | libera nos, Dómine.   |
| A morte perpétua,  | libera nos, Dómine.   |
| Per incarnatióem tuam,   | libera nos, Dómine.   |
| Per mortem et resurrectiόem tuam,  | libera nos, Dómine.   |
| Per effusiόem Spíritus Sancti,   | libera nos, Dómine.   |
| Peccatóres,  | te rogámus, audi nos. |
| Ut Ecclesiám tuam sanctam régere et<br>conserváre dignéris,  | te rogámus, audi nos. |
| Ut domnum apostólicum et omnes ec-<br>clesiásticos órdenes in sancta religiόe<br>ne conserváre dignéris, | te rogámus, audi nos. |

|   |                       |
|---|-----------------------|
| Ut cunctis pópulis pacem et veram con-<br>córdiam donáre dignéris,          | te rogámus, audi nos. |
| Ut nosmetipsos in tuo sancto servítio<br>confortáre et conserváre dignéris, | te rogámus, audi nos. |
| Ut hunc eléctum benedícere dignéris,  | te rogámus, audi nos. |
| Ut hunc eléctum benedícere et sanctificáre<br>dignéris,                     | te rogámus, audi nos. |
| Ut hunc eléctum benedícere et sanctificáre<br>et consecráre dignéris,       | te rogámus, audi nos. |
| Iesu, Fili Dei vivi,  | te rogámus, audi nos. |
| Christe, audi nos.  | te rogámus, audi nos. |
| Christe, audi nos.  |                       |
| Christe, exáudi nos.  |                       |
| Christe, exáudi nos.  |                       |

22. Litanis expletis, solus Consecrator principalis surgit et, manibus iunctis, dicit:

**P** ro- pi- ti- á- re, Dó-mi- ne, suppli- ca- ti- ó- ni- bus  
 nostris, et incli- ná- to su- per hunc fámu- lum tu- um cor-  
 nu grá- ti- æ sa- cer- do- tá- lis, be- ne- dic- ti- ó- nis tu- æ  
 in e- um ef- fúnde vir- tú- tem. Per Chri- stum Dó-mi- num  
 no-strum. R. A-men.



DE ORDINATIONE EPISCOPI UNI TANTUM CONFERENDA




Diaconus: Le- vá- te.

23. Omnes surgunt; Consecrator principalis et Episcopi consecrantes stant ante sedes suas, versi ad populum. Electus surgit, ad Consecratorem principalem accedit et ante eum genua flectit.


24. Consecrator principalis imponit manus super caput Electi, nihil dicens. Similiter faciunt post eum et ceteri Episcopi.

25. Deinde Consecrator principalis imponit librum Evangeliorum apertum super caput Electi; duo Diaconi, a dexteris et sinistris Electi stantes, tenent librum Evangeliorum supra caput ipsius usquedum oratio Consecrationis finiatur.


26. Tunc Consecrator principalis, extensis manibus, dicit orationem Consecrationis:




**D**e- us et Pa- ter Dó-mi- ni no-stri Ie- su Chri- sti,




Pa- ter mi- se- ri- cor-di- á- rum et De- us to- tí- us conso-




la- ti- ó- nis, qui in ex-cél- sis há- bi- tas et hu- mí- li-




a ré-spi- cis, qui cognó- scis ómni- a án-te- quam na-




scán- tur, tu qui de- dí- sti in Ecclé- si- a tu- a normas




per ver-bum grá- ti- æ tu- æ, qui præ- de- sti- ná- sti ex




prin- cí- pi- o ge- nus iu- stó- rum ab A- bra- ham, qui consti-




tu- í- sti prín- ci- pes et sa- cer- dó- tes, et sanctu- á- ri-



um tu- um si- ne mi- ni- sté- ri- o non de- re- li- quí- sti,




cu- i ab i- ní- ti- o mundi plá- cu- it, in his quos




e- le- gí- sti glo- ri- fi- cá- ri:

Sequens pars orationis ab omnibus Episcopis consecrantibus profertur, manibus iunctis:




Et nunc ef- fúnde su- per hunc E- léc- tum e- am vir- tú- tem,




quæ a te est, Spí- ri- tum prin- ci- pá- lem, quem de- dí-


DE ORDINATIONE EPISCOPI UNI TANTUM CONFERENDA




sti di- léc- to Fí- li- o tu- o Ie- su Chri- sto, quem i- pse




do- ná- vit sanctis A- pó- sto- lis, qui consti- tu- é- runt Ec-



clé- si- am per síngu- la lo- ca ut sanctu- á- ri- um




tu- um, in gló- ri- am et lau- dem in- de- fi- ci- én- tem nó-




mi- nis tu- i.


*Prosequitur solus Consecrator principalis:*




Da, cór- di- um cógni- tor Pa- ter, hu- ic ser- vo tu- o,



quem e- le- gí- sti ad E- pi- sco- pá- tum, ut pa- scat gre- gem




sanctum tu- um, et summum sa- cer- dó- ti- um ti- bi ex- hí-




be- at si- ne re-pre- hen-si- ó- ne, sér- vi- ens ti- bi noc-




te et di- e, ut in- ces- sán- ter vul- tum tu- um pro- pí-



ti- um reddat et óf- fe- rat do- na sanctæ Ecclé- si- æ




tu- æ; da ut vir- tú- te Spí- ri- tus summi sa- cer- dó-




ti- i há- be- at po- te- stá- tem di- mit- téndi pec- cá- ta



se- cún- dum mandá- tum tu- um; ut di- strí- bu- at mú- ne- ra




se- cún- dum præ- cép- tum tu- um et sol- vat omne víncu-




lum se- cún- dum po- te- stá- tem quam de- dí- sti A- pó- sto- lis;


DE ORDINATIONE EPISCOPI UNI TANTUM CONFERENDA




plá- ce- at ti- bi in mansu- e- tú- di- ne et mundo cor-




de, óf- fe- rens ti- bi o- dó- rem su- a- vi- tá- tis, per Fí-



li- um tu- um Ie- sum Chri- stum, per quem ti- bi gló- ri- a



et po- tén- ti- a et ho- nor, cum Spí- ri- tu Sanc- to in



sancta Ecclé- si- a et nunc et in sæ- cu- la sæ- cu-



ló- rum. R. A- men.

**D**eus et Pater Dómini nostri Iesu Christi, Pater misericordiárum et Deus totíus consolatiónis, qui in excélsis hábitas et humília réspicis, qui cognóscis ómnia ántequam nascántur, tu qui dedísti in Ecclésia tua normas per verbum grátiae tuæ, qui prædestinásti ex princípío genus iustórum ab Abraham, qui constituísti príncipes et sacerdótes, et sanctuárium tuum sine ministério non dereliquísti, cui ab inítio mundi plácuít in his quos elegísti glorificári:

Sequens pars orationis ab omnibus Episcopis consecrantibus profertur, manibus iunctis:

Et nunc effunde super hunc Eléctum eam virtútem, quæ a te est, Spíritum principálem, quem dedísti dilécto Fílio tuo Iesu Christo, quem ipse donávit sanctis Apóstolis, qui constituérunt Ecclésiám per síngula loca ut sanctuárium tuum, in glóriam et laudem indeficiéntem nóminis tui.

Prosequitur solus Consecrator principalis:

Da, córdium cógnitor Pater, huic servo tuo, quem elegísti ad Episcopátum, ut pascat gregem sanctum tuum, et summum sacerdotium tibi exhibeat sine reprehensióne, sérviens tibi nocte et die, ut incessánter vultum tuum propítium reddat et ófferat dona sanctæ Ecclésiæ tuæ; da ut virtúte Spíritus summi sacerdotii hábeat potestátem dimitténdi peccáta secúndum mandátum tuum; ut distríbuat múnera secúndum præcéptum tuum et solvat omne vínculum secúndum potestátem quam dedísti Apóstolis; pláceat tibi in mansuetúdine et mundo corde, ófferens tibi odórem suavitátis, per Fílium tuum Iesum Christum, per quem tibi glória et poténtia et honor, cum Spíritu Sancto in sancta Ecclésia et nunc et in sæcula sæculórum.

Omnes:

Amen.

27. Finita oratione Consecrationis, Diaconi resumunt librum Evangeliorum, quem tenebant supra caput Ordinati, et unus Diaconorum librum tenet usquedum tradatur Ordinatio. Consecrator principalis et Episcopi consecrantes sedent cum mitra.

28. Consecrator principalis sumit gremiale linteum et sancto chrismate inungit caput Ordinati coram se genuflexi, dicens:

**D**eus, qui summi Christi sacerdotii partícipem te effécit, ipse te mýsticæ delibutiónis liquóre perfúndat, et spirituális benedictiόνis ubertáte fecúndet.

Deinde Consecrator principalis lavat manus.

29. Consecrator principalis tradit Ordinatio librum Evangeliorum, dicens:

**A**ccipe Evangélium et verbum Dei prædica in omni paciéntia et doctrína.

Postea Diaconus resumat librum Evangeliorum et reponit in loco suo.

30. Consecrator principalis anulum in digitum anularem dexteræ manus Ordinati immittit, dicens:

**A**ccipe ánulum, fidei signáculum: et sponsam Dei, sanctam Ecclésiám, intemeráta fide ornátus, illibáte custódi.

31. Deinde Consecrator principalis imponit Ordinato mitram, nihil dicens.

32. Ac tandem tradit Ordinato baculum pastorem, dicens:

**A**ccipe báculum, pastorális múnere signum, et atténde univérso  
gregi, in quo te Spíritus Sanctus pósuit Episcopum régere  
Ecclésiám Dei.

33. Surgunt omnes. Si Ordinatio fit ad cathedram, Consecrator principalis Episcopum in ecclesia propria Ordinatam invitatur, ut sedeat in cathedra; ipse vero Consecrator principalis sedet ad dexteram Ordinati; Episcopus autem extra ecclesiam propriam ordinatus invitatur a Consecratore principali, ut sedeat primus inter Episcopos concelebrantes.

Si autem Ordinatio non fit ad cathedram, Consecrator principalis deducit Ordinatam ad cathedram (vel ad locum ei paratum), Episcopis consecrantibus eos sequentibus.

34. Demum Ordinatus, deposito baculo, accipit a Consecratore principali et ab omnibus Episcopis osculum pacis.

35. Post traditionem baculi usque ad finem Ordinationis cani potest:

Ant.  
VI F

**E** - ún-tes in mundum, \* al- le- lú- ia, do- cé- te om-  
nes gen-tes, al- le- lú- ia. E u o u a e.

Psalmus 95

1. Cantáte Dómino cánticum novum: \*  
cantáte Dómino, omnis terra.
  2. Cantáte Dómino et benedícite nómini eius: \*  
annuntiáte de die in diem salutáre eius.
- Repetitur antiphona, et idem fit post binos versus psalmi.
3. Annuntiáte inter gentes glóriam eius, \*  
in ómnibus pópulis mirabília eius.
  4. Quóniam magnus Dóminus, et laudábilis nimis: \*  
terríbilis est super omnes deos.
  5. Quóniam omnes dii géntium dæmónia: \*  
Dóminus autem cælos fecit.



6. Conféssio et pulchritúdo in conspéctu eius: \*  
sanctimónia et magnificéntia in sanctificatióne eius.
7. Afférte Dómino, pátriæ géntium, †  
afférte Dómino glóriam et honórem: \*  
afférte Dómino glóriam nómini eius.
8. Tóllite hóstias, et introíte in átria eius: \*  
adoráte Dóminum in átrio sancto eius.
9. Commoveátur a fácie eius univérsta terra: \*  
dícite in géntibus quia Dóminus regnávit.
10. Etenim corréxit orbem terræ qui non commovébitur: \*  
iudicábit pópulos in æquitáte.
11. Læténtur cæli et exsúltet terra: †  
commoveátur mare et plenitúdo eius: \*  
gaudébunt campi, et ómnia quæ in eis sunt.
12. Tunc exsultábunt ómnia ligna silvárum  
a fácie Dómini, quia venit: \*  
quóniam venit iudicáre terram.
13. Iudicábit orbem terræ in æquitáte, \*  
et pópulos in veritáte sua.

Non dicitur Glória Patri. Psalmus tamen abrumpitur et repetitur antiphona, postquam omnes osculum pacis sibi dederunt.

Cani potest etiam alius cantus aptus.

### *De liturgia eucharistica*

36. Omnia fiunt secundum Ordinem concelebrationis Missæ pontificalis, præter ea quæ sequuntur.

37. Quando adhibetur Canon Romanus, dicitur Hanc igitur proprium:

**H**anc igitur oblationem servitutis nostræ, sed et cunctæ familiæ tuæ, quam tibi offerimus etiam pro hoc famulo tuo, quem ad Episcopatus ordinem promovere dignatus es, quæsumus, Dómine, ut placatus accipias, et propitius in eo tua dona custodias, ut, quod divino munere consecutus est, divinis effectibus exsequatur. Per Christum Dóminum nostrum. Amen.

38. Expleta oratione post communionem, canitur hymnus Te Deum laudamus (pag. 128), vel alius hymnus huic respondens, iuxta locorum consuetudines. Interim Ordinatus ducitur a Consecrantibus per ecclesiam, et omnibus benedicit.



Finito hymno, *Ordinatus*, stans ad altare vel ad cathedram cum mitra et baculo, potest populum breviter alloqui.

39. Loco benedictionis consuetæ, dici potest benedictio quæ sequitur.

Si *Ordinatus* est celebrans principalis, dicit:

**D**eus, qui pópulis tuis indulgendo cónsulis et amóre domináris, da Spíritum sapiéntiæ quibus tradidísti régimen disciplínæ, ut de proféctu sanctárum óvium fiant gáudia æténa pastórum.

Omnes:

**Amen.**

Et qui diérum nostrórum númerum temporúmque mensúras maiestátis tuæ potestáte dispénsas, propítius ad humilitátis nostræ réspice servitútem et pacis tuæ abundántiam tempóribus nostris præténde perféctam.

Omnes:

**Amen.**

Collátis quoque in me per grátiam tuam propitiáre munéribus et quem fecísti gradu episcopáli sublímem, fac óperum perfectióne tibi placéntem atque in eum afféctum dírige cor plebis et præsulis, ut nec pastóri obædiéntia gregis nec gregi desit umquam cura pastóris.

Omnes:

**Amen.**

Et statim addere potest:

Et benedíctio Dei omnipoténtis, Patris, et Fílii, et Spíritus Sancti, descéndat super vos et máneat semper.

Omnes:

**Amen.**

Si *Consecrator principalis* præsidet liturgiæ eucharisticæ, dicit:

**B**enedícat tibi Dóminus custodiénsque te, sicut te vóluit super pópulum suum constituére pontíficem, ita in præsénti sæculo felícem et ætérxæ felicitátis fáciat te esse consórtem.

Omnes:

**Amen.**

Clerum ac pópulum, quem sua vóluit opitulatióne congregári, sua dispensatióne et tua administratióne per diutúrna témpora fáciat felíciter gubernári.

Omnes:

**Amen.**

Quátenus divínis mónitis paréntes, adversitátibus caréntes, bonis ómnibus exuberántes, tuo ministério fide obsequéntes et in præsénti sáculo pacis tranquillitáte fruántur et tecum æternórum cívium consórtio potíri mereántur.

Omnes:

Amen.

Et statim addere potest:

Et benedíctio Dei omnipoténtis, Patris, et Fílii, et Spíritus Sancti, descéndat super vos et máneat semper.

Omnes:

Amen.

40. Data benedictione, omnes processionaliter per ecclesiam revertuntur in sacristiam; et recedunt in pace.

---

## De benedictione insignium pontificalium

Benedictio anuli, baculi pastoralis, mitræ tempore opportuno, ante Ordinationem Episcopi, peragi potest hoc modo:

V. Adiutórium nostrum in nómine Domini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Oratio

**O**mnípotens sempitérne Deus, bénedic hæc (hoc) múneris pastoralis et pontificalis honóris insígnia (insígne), ut, qui ea (id) gestáverit, præmium dispensatiónis sibi crédito cum Christo, summo Sacerdóte et bono Pastóre, in æténa vita percípiat. Per Christum Dóminum nostrum.

R. Amen.

Et aspergantur aqua benedicta.

# PONTIFICALE ROMANUM

EX DECRETO SACROSANCTI ŒCUMENICI  
CONCILII VATICANI II INSTAURATUM  
AUCTORITATE PAULI PP. VI PROMULGATUM

## DE ORDINATIONE DIACONI, PRESBYTERI ET EPISCOPI

EDITIO TYPICA



TYPIS POLYGLOTTIS VATICANIS  
MCMLXVIII